



Broj: 01-04-5-12561/24
Sarajevo, 21.10.2024. godine

U skladu sa članom 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporukom Komisije za javnu nabavku o izboru najpovoljnijeg ponuđača broj: 08-11-15-11851-1/24 od 10.10.2024. godine, Zapisnika o pregledu i ocjeni ponuda broj: 08-11-15-11851/24 od 10.10.2024. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 52. sjednici održanoj dana 21.10.2024. godine d o n o s i

ODLUKU

o izboru ponuđača Konzorcij: Nosilac konzorcija - “Bosnien Business Systems” d.o.o. Sarajevo i član konzorcija “BH Telecom” d.d. za javnu nabavku serverske opreme (rješenje za integrisanu digitalnu transformaciju dokumenata i platforma za sigurno arhiviranje)

I

Prihvata se preporuka Komisije za javne nabavke imenovane Odlukom broj: 01-04-5-9664/24 od 09.08.2024. godine u postupku javne nabavke serverske opreme (rješenje za integrisanu digitalnu transformaciju dokumenata i platforma za sigurno arhiviranje), te se donosi odluka o izboru ponuđača:

Konzorcij: Nosilac konzorcija - “Bosnien Business Systems” d.o.o. Sarajevo, Kranjčevićeva 39, Sarajevo ID: 4200298380009, i član konzorcija - “BH Telecom” d.d., Franca Lehara 7, Sarajevo, ID: 4200211100005, za ponuđenu cijenu od 2.598.282,00 KM bez PDV-a, odnosno 3.039.989,94 KM sa PDV-om te se imenovanom ponuđaču dodjeljuje ugovor.

II

Izabrani ponuđač nije dužan u roku od 5 dana od dana prijema ove Odluke dostaviti originale ili ovjerene kopije dokumenata predviđene članom 45. Zakona o javnim nabavkama, pobliže navedenih u tački 3.1.2. tenderske dokumentacije, obzirom da je navedeno dostavljeno u ponudi.

III

Izabrani ponuđač nije dužan u roku od 5 dana od dana prijema ove Odluke dostaviti original ili ovjerenu kopiju pravnog akta o udruživanju u grupu ponuđača, pobliže navedenih u tački 3.8.1. tenderske dokumentacije, obzirom da je navedeno dostavljeno u ponudi.

IV

Prijedlog ugovora o javnoj nabavci dostaviti će se na potpis izabranom ponuđaču po isteku roka od 15 (petnaest) dana od dana kada svi ponuđači koji su učestvovali u predmetnom postupku nabavke budu obaviješteni o izboru ponuđača.

V

Ova odluka stupa na snagu danom donošenja i objavit će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

OBRAZLOŽENJE

Postupak javne nabavke je pokrenut Odlukom o pokretanju postupka javne nabavke broj: 01-04-5-9662/24 od 09.08.2024. godine. Javna nabavka je provedena putem otvorenog postupka za dostavu ponuda. Procijenjena vrijednost nabavke serverske opreme (rješenje za integrisanu digitalnu transformaciju dokumenata i platforma za sigurno arhiviranje) iznosi 2.600,000,00 KM bez PDV-a.

Tendersku dokumentaciju je preuzelo 38 (tridesetosam) privrednih subjekata, a izmjenu tenderske dokumentacije je preuzelo 13 (trinaest) privrednih subjekata.

U roku za dostavu ponuda utvrđeno je da su pristigle 2 (dvije) ponude. Neblagovremenih ponuda nije bilo.

Ponude su dostavili sljedeći ponuđači:

Redni broj	Naziv i sjedište ponuđača
1.	Konzorcij: Nosilac konzorcija- "Bosnien Business Systems" d.o.o., Sarajevo, Kranjčevićeva 39, Sarajevo, ID: 4200298380009 i "BH Telecom" d.d.- član konzorcija, Franca Lehara 7, Sarajevo, ID: 4200211100005
2.	„Sys Company“ d.o.o Sarajevo, Šibenska bb, Sarajevo, ID: 4200236600002

Nakon izvršenog otvaranja ponude, Komisija je pristupila analizi dokumentacije priložene uz ponude u smislu provjere njihove validnosti s obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH, odnosno pripadajućim podzakonskim aktima i utvrđeno je da je ponuda ponuđača „Sys Company“ d.o.o, Šibenska bb, Sarajevo nepravilna, a da je zaprimljena ponuda ponuđača Konzorcij: Nosilac konzorcija - „Bosnien Business Systems“ d.o.o., Sarajevo, Kranjčevićeva 39, Sarajevo, ID: 4200298380009 i BH Telecom d.d. - član konzorcija, Franca Lehara 7, Sarajevo, ID: 4200211100005 prihvatljiva.

Ponuda ponuđača „Sys Company“ d.o.o., ul. Šibenska bb, Sarajevo, je nepravilna iz razloga jer nije dostavio potpune dokaze i dokumentaciju kako je traženo tenderskom dokumentacijom i to kako slijedi:

- Ponuđač je pri potpisu svoje ponude koristio faksimil ovlaštene osobe bez dostavljanja punomoći/ovlaštenja, što je suprotno TD. Tačkom 4.1.1.TD je propisano kako slijedi: **“Punomoć/ovlaštenje mora biti priložena/priloženo uz ponudu, u originalu ili ovjerenj kopiji. Ukoliko ponuđač pri potpisu svoje ponude koristi faksimil ovlaštene osobe, onda je dužan uz ponudu dostaviti punomoć ili ovlaštenje ovlaštene osobe ponuđača, čiji se faksimil koristi, kojim se ovlašćuju zaposlenik ponuđača (imenom i prezimenom), da u svrhu pripreme i ovjere ponude, mogu koristiti faksimil ovlaštene osobe ponuđača. Punomoć/ovlaštenje za korištenje faksimila također mora biti priložena/priloženo uz ponudu u originalu ili ovjerenj kopiji. U slučaju da ponudu i njene priloge ne potpisuje ovlaštena osoba ili ne dostavi punomoć ili ovlaštenje iz ove tačke tenderske dokumentacije ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.”**
- Obrazac za cijenu ponude koji je dat u Aneksu 2 TD sa tehničkom specifikacijom je potpisan faksimil-om ovlaštene osobe bez dostavljanja punomoći/ovlaštenja.
- Obrazac povjerljivih informacija koji je dat u Aneksu 3 TD je potpisan faksimil-om ovlaštene osobe bez dostavljanja punomoći/ovlaštenja..
- Ponuđač je dostavio potvrdu proizvođača ponuđene opreme/softvera da je ponuđač u aktivnom partnerskom statusu i da je tehnički osposobljen za realizaciju rješenja koje se nudi u ovom postupku na stranom jeziku bez prijevoda i bez ovjere. Tačkom 4.3. TD je propisano da svi dokumenti u vezi sa ponudom moraju biti napisani na jednom o službenih jezika u BiH.
- Izjava ovlaštenog distributera ili ponuđača ili ekvivalent kojom se potvrđuje da će ponuđena oprema biti isporučene kroz zvanični i legalan distributivni kanal u Bosni i Hercegovini i da je ponuđena roba nova i nekorisćena sa standardnom garancijom i minimalnim rokovima definisanim tačkom 2.12. TD ili ekvivalentom je potpisana faksimil-om ovlaštene osobe bez dostavljanja punomoći/ovlaštenja.
- Nije dostavljen dokaz Izvještaja o broju zaposlenih radnika kod poslodavca izdat od nadležne institucije, a za angažovane spoljne saradnike (Mirza Džafić i Muamer Foćak) ponuđač je dostavio predugovore o djelu nepotpisane od strane izvršioca poslova.
- Izjava o ispunjenosti uslova iz člana 49. Zakona o javnim nabavkama BiH Aneks 8 TD je potpisana faksimil-om ovlaštene osobe bez dostavljanja punomoći/ovlaštenja.
- Certifikat VMware Certified Professional – Data Center Virtualization je dostavljen na stranom jeziku bez ovjerenog prijevoda sudskog tumača kako je traženo tačkom 3.4.2. TD i dostavljena su samo 2 kom, a TD je traženo 4 kom.
- Certifikat Veeam Certified Engineer - VMCE nisu dostavljeni dokazi (minimalno 2 kom).
- Certifikat Cisco Certified Network Professional Data Center je dostavljen na stranom jeziku bez ovjerenog prijevoda sudskog tumača kako je traženo tačkom 3.4.2. TD.
- Certifikat HPE Accredited Technical Professional – Hybrid Cloud – HPE ATP nije dostavljen dokaz.
- Certifikat HPE Accredited Solutions Expert – Edge to Cloud architect - nije dostavljen dokaz.
- Certifikat Fortinet Certified Solution Specialist Network Security - nisu dostavljeni dokazi 2 kom, dostavljen je ekvivalent certifikata na stranom jeziku bez ovjerenog prijevoda sudskog tumača kako je traženo tačkom 3.4.2. TD.
- Certifikat Dell EMC Specialist – Implementation Engineer Unity Solutions 2.0 je dostavljen na stranom jeziku bez ovjerenog prijevoda sudskog tumača kako je traženo tačkom 3.4.2. TD.
- Certifikat Dell Associate – Information Storage and Management Version 4.0 je dostavljen na stranom jeziku bez ovjerenog prijevoda sudskog tumača kako je traženo tačkom 3.4.2. TD.
- Certifikat IBM Certified Specialist – High Volume Storage Fundamentals nije dostavljen dokaz.
- Certifikat Microsoft 365 Certified: Administrator Expert - nije dostavljen dokaz.
- Certifikat Microsoft Certified: Cybersecurity Architect Expert - nije dostavljen dokaz.
- Dostavljena je potvrda proizvođača na stranom jeziku bez prijevoda na jedan od službenih jezika BiH za ponuđenu opremu/softver da će oprema biti novoprodućena i registrovana na ugovorni organ, te da ponuđeni tipovi opreme pripadaju aktuelnim serijama, koje se još uvijek proizvoće i da za iste

proizvođač nije objavio najavu o prestanku proizvodnje i/ili o prestanku prodaje (End of life/End of sale).

- Nisu dostavljeni ISO9001 i ISO27000 certifikati.
- Korišten faksimil ovlaštene osobe bez dostavljene punomoći / ovlaštenja za potpis Izjave o prihvatanju općih i posebnih uslova iz tenderske dokumentacije -Aneks 6.
- Korišten faksimil ovlaštene osobe bez dostavljene punomoći / ovlaštenja za Nacrt Ugovora - Aneks 7.
- Korišten faksimil ovlaštene osobe bez dostavljene punomoći / ovlaštenja za Obrazac izjave o garanciji za uredno izvršenje ugovora - Aneks 9.
- Korišten faksimil ovlaštene osobe bez dostavljene punomoći / ovlaštenja za Izjavu o roku isporuke – Aneks 12.

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku o izboru najpovoljnijeg ponuđača Konzorcij: Nosilac konzorcija - "Bosnien Business Systems" d.o.o. Sarajevo, Kranjčevićeva 39, Sarajevo, i "BH Telecom" d.d. - član konzorcija, Franca Lehara 7, Sarajevo, sa ponuđenom cijenom od 2.598.282,00 KM bez PDV-a broj: 08-11-15-11851-1/24 od 10.10.2024. godine i Zapisnik o pregledu i ocjeni ponuda broj: 08-11-15-11851/24 od 10.10.2024. godine.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.


Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke svaki od ponuđača koji je učestvovao u postupku nabavke može izjaviti žalbu ugovornom organu u pisanoj formi u roku od 10 (deset) dana od dana prijema ove odluke.

Dostaviti:

- Upravni odbor
- Ponuđaču 2x
- Služba za javne nabavke i informacione tehnologije
- a/a

PREDSJEDNIK UPRAVNOG ODBORA

Dr. Senad Pešto

